



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 25. Concilium Celichytense.

[urn:nbn:de:hbz:466:1-66103](#)

Sæculum IX.
A. C. 816.

§. XXV.

Concilium Celichyense.

to.7. Conc. p.
1484.
Coint. an.
817. n. 139.

c. 2.

c. 4.

In Anglia vigesima septima Julii eodem anno octingentesimo decimo sexto Indictione nona in quodam loco *Celchyt* dicto Concilium celebratum, Wulfredo Archiepiscopo Cantuariensi duodecim Episcopis ex diversis Provinciis præsentibus præsidente. Quenulfus, qui annis jam viginti Merciis imperabat, ipse aderat cum multis Optimatibus. Abbates quoque, Presbyteri, & Diaconi venerant. Canones undecim editi sunt, atque præter alia statutum, ut Ecclesiæ ab Episcopo Diœcesano dedicarentur, qui aspersionem aquæ Benedictæ aliasque Cæremorias in Libro Rituum adnotatas adhiberet. Tum Evcharistia ab Episcopo consecrata in arcula cum Reliquiis includatur, & in nova Ecclesia custodiatur. Si nullæ adsint Reliquiæ, sufficiat Evcharistia, cum sit Corpus & Sanguis Domini Nostri JESU Christi. (*) Aliqua picta effigies indicet, cui Sanctorum Ecclesia

(*) Ex hoc loco contra Protestantes probatur; tum Evcharistiam fuisse assertam, tum Fideles realem Corporis Christi præsentiam credisse. Nam in quem finem aut usum alias frustillum panis & Christi Corporis inanis figura in Altaris Tabernaculo fuisse depositum?

clesia vel Altare sit sacrum. Episcopus Sæculum IX.
potestatem habeat ex consensu Congre- A.C. 816.

c. 5.

c. 6.

gationis Abbates & Abbatissas eligendi.
Nullus ex Scotia sacrum Ministerium
sibi usurpet, quia incerta est eorum or-
dinatio. Omnia Judicia vel Acta signo
Crucis confirmata, permaneant irrefra-
gabilia.

Legimus, eandem Reverentiam si-
gno Crucis in Oriente fuisse habitam, si
quis eo signo subscriptisset, nam tantum
robur quantum juramento subesse cre-
debat. Abbates vel Abbatissæ fun-
dos non alienent, nisi in dies unius ho-
minis, accedente consensu familiæ seu
Congregationis. Tituli autem posses-
sionis apud Monasterium remaneant. E-
piscopo mortuo, decima pars Bonorum
ejus detur pauperibus, tam pecorum
quam rerum aliarum, & omnes Servi na-
tione Angli manumittantur. Quilibet E-
piscopus & Abbates jubeant recitari sex-
centos Psalmos, centum & viginti Mis-
fas celebrari, & tres Servos manumit-
tant. In qualibet Ecclesia triginta Psal-
mi recitentur. Quilibet Monachus &
Clericus una die jejunet. Ita nempe
eleemosynæ, jejunia precesque pro mor-
tuis conjungebantur. (*) Presbyteri
bapti-

(*) Ecce morem omnium Sæculorum oran-
Hist. Ecclesiast. Tom. XL F di

Sæculum IX. baptizantes non solum Aquam Sacram
A.C. 817. super capita infantium effundant, sed
6. II. eos semper lavacro immergeant, sequen-
 tes exemplum Filii Dei, ter in Jordane
 immersi.

Ex hoc Canone videmus, quod in re-
 gionibus frigidis cœperint Baptismum
 affundendo conferre.

§. XXVI.

*Stephani obitus. Paschalis I.
 Papa.*

*Papebr. co-
 nat. Ann.* **S**tephanus V. Papa e vivis abiit mense
Fr. Duchesn. tertio, ex quo e Francia Romam re-
to. 3. Anast. diisset, scilicet, vigesima secunda Janua-
 rii anno octingentesimo decimo septimo,
 postquam Sedem septem non plus men-
 sibus occupasset. Sepultus est ad S. Pe-
 trum. Una Ordinatione mense Decem-
 bri consecraverat Presbyteros novem,
 Diaconos quatuor, & alias per diversa
 loca Episcopos quinque. Sacra Sedes
 biduo tantum vacavit, nam Die Domi-
 nica vigesima quinta Januarii ordinatus
 est Paschalis hujus nominis primus, qui
 fedit

di, jejunandi, eleemosynas dandi pro defunctis!
 edicant Protestantes, qui Purgatorium, id est,
 locum tertium inter Cælum & Infernum ne-
 gant, an putent, Fideles orasse pro animabus
 mortuorum existentibus in Cælo, vel in In-
 ferno?